

Aymara - Khespiyasiñ Kellkatanaca - Salvation Scriptures

- Efesios 2:2 Acapachan sarnakäwinacaparjamaw jacasipcäyäta, cawquiri
ajayutejj ñankha ajayunacar u apnakqui, uqhamarac ch'amañchqui Diosar jan
ist'irinacarusa, uca ajayun munañap lurasina.
- Mateo 6:10 Munañamampisti apnakapjjeta. Munañamasti luratäpan
acapachanjja, cunjämatï alajjpachana luratäqui uqhama.
- Lucas 22:42 Saraquïnwa: “Awquejja, munsta ucajja, aca t'akhesiñatjja
khespiyita; ucampis jan munañajja luratäpati, jan ucasti juman munañamac
luraspan” sasa.
- Juan 16:7-9 Ucampis cunatejj chekäqui ucwa sapjjsma: jumanacataquejj
asquiwa nayan sarjjañajja. Nayatejj jan sarquiristjja, janiw jumanacar
Chuymachirejj jutcaspati, ucampis nayatejj saräjja, juparojj qhitaniwa. 8
Cunapachatejj Kollan Ajayojj jutcani ucqhajja, acapachanquiri jakenacarojj
juchanacapatwa khanañchani, uqhamaraqui cheka thaqui utjatapatsa,
Diosan juchañchäwipatsa amuyt'ayaraquiniwa. 9 Juchanïppjewa nayar jan
iyawsapjjatap laycu.
- 2 Timoteo 2:10 Ucatwa take cuns t'akhestjja Diosan ajllitanacapar munatajj
laycu, jupanacajj Cristo Jesusampi mayachasitasat jutquis uca wiñay jach'a
khespiyasiña catokapjjañapataqui.
- Romanos 15:20,21 Uqhamwa khespiyasiñan utjatapjja nayajj khanañchañar
uchasta, cawquintejj ni mä cuti Criston sutipajj arsutäcänsa uca
chekanacana, uqhamat jan yakhan kalltatapjjaru lurañataqui. 21 Kellkatanjja
saraquiwa: “Uñjapjjaniwa qhitinacatejj ni cunapachas jupatjja
yatiyatäpcataynas ucanaca. Amuyt'apjjaraquiniwa qhitinacatejj ni cunapachas
jupatjja ist'apcataynas ucanaca” sasa.
- Hechos 2:36,37 “Take Israel marcpachaw yatipjjañamajja, jumanacas
ch'accatapctasa uca Jesusar Diosajj Cristo Tatitu tucuyatapjja.” 37 Take
acanac ist'asinsti, chuymanacapan wali llact'ataw uñjasipjjäna. Ucatsti
Pedrompiru mayni apostolonacampirojj jisct'asipjjänwa: —Jilatanaca, ¿cuns
lurapjjäjja? —sasa.
- Hebreos 4:2 Jiwasanacarusti khespiyasiñ arunacj churaraquistuwa,
jupanacarus churqui uqhama; ucampis jupanacarojj janiw cunats sirvquiti uca
arunac ist'apjjatapajja, jan iyawsasa ist'apjjatap laycu.
- Jeremías 24:7 Jupanacarusti mä suma amuyu churaraquï nayan Tatitütajja
yatipjjañapataqui; jupanacasti marcäjjäniwa, nayasti jupanacan
Diosaparaquïyäwa, nayar u take chuymampi cuttanjjapjjatapata.
- Hechos 16:14 Uca warminacat maynïristi Lidia satänwa. Jupasti Tiatira

marcanquirinwa, suma color morado isinac aljirinwa. Tatitusti juparojj chuymap ch'alljrtayäna, cuntejj Pablojj siscäna ucar jaysañapataqui.

Mateo 13:14,15 Uqhamwa cuntejj Isaías profetajj arsuwaycatayna ucadj phokhasi: 'Jumanacajj ist'casinsa janiw amuyapcätati, uñjcasinsa janiw uñjapcaraquítati. 15 Aca jakenacan chuymanacapasti chhaktayatawa, jinchunacapasa llupantatawa, nayranacapasti jist'antataraquiwa; uqhamat jan uñjapjjañapataqui, jinchunacapas jan ist'apjjañapataqui, janiraqui chuymanacapansa amuyt'apjjañapataqui, jan nayan ucarus cuttaniñapataqui, nayasti jupanacarojj janiw c'umaraptaycäti.'

Isaías 6:9,10 Jupasti saraquituwa: "Saram, ucatsti aca marcojj aqham saraquim: 'Ist'apcanisa, janiw amuyt'apcaniti, uñjapcanisa, janiw amuyt'apcaniti' sasa. 10 Aca marcan amuyupsti chhaktayam, jinchunacapsti llupt'araquim, nayranacapsa ch'okantam, jan uñjapjjañapataqui ni ist'apjjañapataquis, ni amuyt'apjjañapataquis, uqhamat jan nayar cuttanipjjañapataqui, nayas janiraquiw jupanacarojj kollcäti" sasa.

Marcos 4:11,12 Jesusasti jupanacarojj sänwa: —Jumanacarupī khanpach yatiyatajja jan amuyt'caya Diosan reinopatjja, ucampis mayninacarojj take cunas uñtasiwinac tokwa yatiyasi, 12 uñjcasinsa jan uñjapjjañapataqui, ist'casinsa jan amuyt'apjjañapataqui, janirac Diosar cutiquipstasin juchanacapsa perdonatäñapataqui —sasa.

Juan 12:39,40 Uqhamasti janiw iyawsirjamäpcänti; Isaías profetajj kellkaraquīnwa aqham sasa: 40 "Diosajj jupanacarojj juyqhwa tucuyi chuymanacapsa kalarayaraquiwa, jan nayranacapampi uñjapjjañapataqui, ni chuymanacapampis amuyt'apjjañapataqui; jan cuttanisinsa nayampi kollatäñapataqui."

Romanos 11:7,8 ¿Uqhamajj cunaraquisti? Israelitanacajj janiw jicjjatcänti cuntejj thakapcän ucjja. Ucampis cuntejj Diosajj ajllcän ucjja jicjjatapjjewa, mayninacasti chuymanacapansa kalaratäppjewa. 8 Cunjämtejj Kellkatanj sisqui uqhama: "Diosajj ajayu tokenjja jan amuyquirwa luri, nayranacapsa jan uñjquiri, jinchunacapas jan ist'quiri, jichhacamas uqhamaquīsquiwa."

2 Tesalonicenses 2:10,11 Take casta jan walinacampiw sallkjani infiornor saririnacarojja, Tatitun khespiyasiñ arunacap jan catokañ munapjjatap laycu. 11 Ucatpī Diosajj pantjasiñanacampi sallkjayasiñataqui jaytijejja, uqhamat cuna c'arirus iyawsapjjañapataqui,

Mateo 13:18-23 "Ist'apjjamay cuntejj uca uñtasiwejj sañ munqui uca. 19 Take qhitinacatejj Diosan suma yatiyäwipa ist'apqui ucat janiraqui amuyt'apqui ucanacajj, thaqui thiyarus purcatayna uca jathanacamp sasiwa, chuymapar purcäna uca suma yatiyäwinacsti supayaw apsuwayjje. 20 Kalawjar purqui uca jathajja, qhitinacatejj janc'aqui wali cusisiñampi catokapqui ucanacawa, 21 ucampis jan suma saphiniñtap laycojja, janiw jaya acht'quiti. Cunapachatejj

t'akhesiñanacajj uqhamarac jan walt'añanacas juti ucqhajja, janc'aquiw uca suma arunacatjja mayjt'asjje. 22 Ch'aphi taypinacar jalantat jatha misturisti acamp sasiwa: Suma arunac ist'casinsa, sintwa llaquisipjje acapach yänacatsa, kollketsa. Take ucanacasti juparojj atipjiwa, suma arunacasti janiraquiw jupan chuymapanjja jiltcaspati. 23 Ucampis suma lak'aru purir jathajja acamp sasiwa: Diosan arunacapa ist'asinjja amuyt'apjjewa, ucatsti mä sumwa achupjjaraqui, mayat patacaru sojjta tuncaru uqhamaraqui quimsa tuncarusa.”

2 Corintios 3:15,16 Jichhacamasa, cunapachatĩ Moisesan leyip leet'apqui ucqhajja, mä velow jupanacan amuyunacapjja imantasqui. 16 Ucampis cunapachatĩ mä jakejj Cristor maqhatjje ucqhajja, uca velojj chhactjjewa.

Isaías 30:28 samanapasti mä jach'a jawirat jilarquir umanacjamawa, uca umanacasti cuncacama puririraquiwa; jupasti mä jach'a ch'amani t'akhesiñwa marcanacatac apani, uqhamat aynacht'ayañataqui, marcanacan lacanacaparusti frenompjamaw uchanti uqhamat maysar saranucuyañataqui.

Oseas 11:3-7 Ucampis nayaw Efraín marcojj irpnakäyätä, uqhamarac sarnakañsa yaticharaquiyätwa; ucampis jupanacajj janiw amuyasipcänti nayan jupanacar uñjascatajja. 4 Suma koña chuymampi, munasiñampiwa lasumpjama nayarojj apcatasta; ajanojjaruraquiw apcatt'asta, ñuñuyañ wawanacäcaspas uqhama; jupanacar mank'ayañataquis waquichasiractwa, 5 ucampis jupanacajj janiw nayar cuttaniñjja munapcänti. Ucatpĩ jichhajj wasitat Egiptor cuttapjjanejja, Asiriraquiw jupanacarojj apnakani. 6 Marcanacapasti espadan tucjataraquiniwa, sayt'asiñ perkanacapasti tucjataraquiniwa, jupanacan pachpa amtatanacap laycu. 7 Uqhampachas marcajjajj nayat jayancañjja munascaquiwa; arnakasisipcaraquiwa, ucampis janiw qhitis jupanacan arnakasitapjja ist'quiti.

Hechos 26:18 Jupanacan nayranacap jist'arañamataqui, jan juc'amp ch'amac thaquin sarnakapjjañapataqui. Janiraquiw juc'ampi supayan apnakatäcjjaniti, jan ucasti Diosaruw arcjjapjjani uqhamaraqui nayarus iyawsapjjetani. Uqhamatwa jupanacajj juchanacapat perdón catokapjjani, uqhamarac mä herencia catokapjjani Diosan ajllit jakenac taypina' sasa.

2 Timoteo 2:24-26 Jan ist'asirinacarusti llamp'u chuymampi ewjitt'añaparaquiwa, inampis Diosajj jan wali luräwinacapat cuttayasincaspa, uqhamat jupan cheka arunacap uñt'apjjañapataqui. 26 Uqhamata p'arjjtapjjañapataqui, ucatsti Supayan sipitapatsa jaltapjjañapataqui, cawquĩritejj preso catijjäsqui uqhamarac cuntejj juparojj lurañ munqui ucata.

Apocalipsis 3:17-19 Ucampis jumajj: Kamirĩtwa sistawa, waliquĩsctwa, take cunan phokt'atätwa saractawa; janiraquiw amuyasctati mä aynacht'ata jan cunanĩscatamjja, juyqhuraquĩtawa uqhamarus k'alalaraqũtawa. 18 Ucatpĩ nayajj amtt'aysmajja ninar nacsuyata suma kori puro nayat alt'asiñamataqui,

uqhamat chekpacha kamirĩñamataqui, nayataraqui jank'o isi alasiñamataqui uca p'enka k'alal sarnakatamaru isjjatasĩñamataqui, uqhamarac colirio sat kollsa nayramar ch'akt'ayasiñataqui, uqhamata uñjañamataqui. 19

Qhitinacarutejj nayajj muncta, ucanacarogg tokenoktwa, chekacharactwa.

Ucatpĩ jumajj take chuymañamajja, arrepientisiñamaraquejja.

2 Corintios 7:10 Diosar cusisiyquir Ilaquisitanacasajj Tatituruw cutiquipstayistu, ucatsti khespiyaraquistuwa, janiw Ilaquisiñasäquiti. Ucampis jan Diosatacjama Ilaquisitasasti jiwañaruw aparaqui.

1 Reyes 18:37 ¡Ist'itaya Tata; ist'itaya aca jakenacana yatipjjañapataqui jumajj Diosätama, ucatsti jumajj jawsascaractawa aca jakenacana wastata jumar cutt'anjjapjjañapataqui” sasa!

2 Corintios 4:4 Cunjämatĩ jupanacajj jan iyawsapquejja, ucatwa acapach diosajj jupanacan amuyt'anacapijja ch'amact'ayi jan Criston khanquir arunacapa uñjapjjañapataqui, Diosajj cunäquitejj uc uñacht'ayasa.

Lucas 8:11-15 “Aca uñtasiwejj ac sañ muni: Jathajj Diosan arupawa. 12 Thaquir jalaktiri jathasti acawa: qhitinacatejj Diosan arup ist'apqui, ucatsti Supayaw jutasinjj uca arunaca chuymananacapatjja apakjje jan iyawsapjjañapataqui, ni khespiyasipjjañapataquisä. 13 Kala taypiru jalantirĩqui uca jathasti acawa: qhitinacatejj Diosan arupa ist'apqui, uqhamarac cusisiñamp catokapjje, ucampis janiw wali saphintatäquiti, mä kawkha pachataquiquiw iyawsapjje. Yant'anaca purinjjeapanjja jithektjjapjjaquiwa. 14 Ch'aphinac taypir jalantirĩqui ucasti acawa: qhitinacatejj aru ist'apjje ucampis sarnakäwinacaparjamajj sarasipcaqui ucawa. Ucatsti cunayman Ilaquisiñanacampi, kamir cancañampi, acapach cusist'añanacampiw chhaktayjje uqhamatwa jan sum achcjjapjjetj. 15 Suma lak'aru jalaktirĩqui ucasti acaräquiwa: qhitinacatejj take chuymampi Diosan arupjj ist'apqui, uqhamarac catokapjje, ucatsti take chuyma sarapjje, sum achupjjaraqui ucanacawa.

Hechos 15:11 Ucatsipana jivasanacajj yatipjjtanwa: Tatit Jesusan qhuyapayasiñapat khespiyatätasjja, jupanacjamaraqui —sasa.

Romanos 8:13 Jumanacatejj janchin munañanacaparjamaqui sarnakasipcät ucäjjä jiwapjjätawa, ucampis Ajayun toke jiwayapjjäta uca janchin munañanacapa ucäjjä, chekpachansa jacapjjätawa.

Pastor T. John Franklin
Church of Salvation, Healing, and Deliverance
COS-HAD.org